



საგანმანათლებლო პროგრამების აკრედიტაციის საბჭოს

გადაწყვეტილება № 269

2019 წ. " 20 " 12

ქ.თბილისი

შპს - საქართველოს უნივერსიტეტის „პოლიტიკის მეცნიერებების“ სადოქტორო საგანმანათლებლო
პროგრამის აკრედიტაციის შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/წ ბრძანებით დამტკიცებული „საგანმანათლებლო დაწესებულებების საგანმანათლებლო პროგრამების აკრედიტაციის დებულების“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ „აკრედიტაციის დებულების“ 27⁶-ე მუხლის პირველი პუნქტის „ბ“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ

თავმჯდომარე

მდივანი

შესაბამისობაშია სტანდარტის მოთხოვნებთან“ ან „არ არის შესაბამისობაში სტანდარტის მოთხოვნებთან“, და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

2. აღწერილობითი ნაწილი და დასაბუთება


2.1. 2019 წლის 12 აგვისტოს შპს - საქართველოს უნივერსიტეტმა სსიპ - განათლების ხარისხის განვითარების ეროვნულ ცენტრში (შემდგომში - ცენტრი) წარმოადგინა №03-8262 (ცენტრში რეგისტრაციის №1034936 და №1034959) სააკრედიტაციო განაცხადი "პოლიტიკის მეცნიერებების" სადოქტორო საგანმანათლებლო პროგრამაზე.

2.2. ცენტრის დირექტორის 2019 წლის 20 სექტემბრის №867 ბრძანების საფუძველზე, შპს - საქართველოს უნივერსიტეტი ცნობილ იქნა აკრედიტაციის მამიებლად. ცენტრის დირექტორის 2019 წლის 17 ოქტომბრის №969 ბრძანებით შეიქმნა აკრედიტაციის ექსპერტთა ჯგუფი, რომელმაც 2019 წლის 31 ოქტომბერს განახორციელა სააკრედიტაციო ვიზიტი შპს - საქართველოს უნივერსიტეტში, ხოლო 2019 წლის 12 დეკემბერს წარმოადგინა აკრედიტაციის ექსპერტთა დასკვნა, რომლის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა	✓			
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა		✓		
3. სტუდენტთა მიღწევები, მათთან ინდივიდუალური მუშაობა		✓		
4. სწავლების რესურსებით უზრუნველყოფა	✓			
5. სწავლების ხარისხის განვითარების შესაძლებლობები	✓			

თავმჯდომარე

მდივანი



2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2019 წლის 20 დეკემბერს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ ნაწილობრივ გაიზიარა ექსპერტთა დასკვნაში ასახული შეფასება.

2.5. საბჭოს გადაწყვეტილებით რჩევების ნაწილში იქნა გადატანილი შემდეგი რეკომენდაციები:

ა) საქართველოს უნივერსიტეტის ადგილობრივი და საერთაშორისო აკადემიური რეპუტაციის გაძლიერების მიზნით, საჭიროა დოქტორანტურის სტუდენტების დიდი სიფრთხილით შერჩევა, აკადემიური მოსწრებისადმი მათი რეალური ძალისხმევის მიხედვით და საკუთარი ხელმძღვანელების კვლევით პროექტებში ჩართულობით, იდეალურ შემთხვევაში კვლევითი ან სამუშაო გამოცდილებით;

ბ) უზრუნველყოფილ იქნეს დოქტორანტებისთვის საერთაშორისო აკადემიური კვლევითი პრაქტიკის გაცნობა, მაგალითად თანა-ხელმძღვანელობის სახის ინტერნაციონალიზაციის მეშვეობით;

გ) პროგრამის განვითარებაზე მომუშავე აკადემიურმა პერსონალი მეტად უნდა ეცადოს, რომ საკუთარი კვლევები გამოაქვეყნოს საერთაშორისო რეცენზირებად ჟურნალებში. საკუთარი პრაქტიკული გამოცდილების გარეშე, ისინი ვერ შეძლებენ გაუძღვნენ სტუდენტების საერთაშორისო აკადემიურ მოსწრებას;

დ) საზღვარგარეთის (ევროპა და აშშ) სამეცნიერო საზოგადოებაში ჩართული, დარგის საერთაშორისო ექსპერტების მიერ განხორციელებული გარე შეფასება ხელს შეუწყობს პროგრამის სრულყოფილ ფორმას, დოქტორანტურის სტუდენტებისა და ხელმძღვანელების საზოგადოების ჩამოყალიბების გზების მოძიებას, რომლებიც თანამშრომლობისა და ინტერაქციის უწყვეტი პროცესით იმუშავენ საკვლევ თემებზე. ეს ასევე გამოსადეგი იქნება ბენჩმარქინგის პროცესში, ასევე სკოლის/უნივერსიტეტისთვის კვლევითი განვითარების სტრატეგიის შექმნისთვის.

3. სარეზოლუციო ნაწილი

“უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, აკრედიტაციის დებულების 27² მუხლის პირველი პუნქტის, 27⁵ მუხლის პირველი პუნქტის „ა“ ქვეპუნქტის და მე-5 პუნქტის, 27⁶ მუხლის პირველი პუნქტის „ბ“ ქვეპუნქტის, საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ, კენჭისყრის შედეგად 8 ხმით 1-ის წინააღმდეგ,

გადაწყვიტა:

1. დაკმაყოფილდეს შპს - საქართველოს უნივერსიტეტის 2019 წლის 12 აგვისტოს №03-8262 (ცენტრში რეგისტრაციის №1034936 და №1034959) სააკრედიტაციო განაცხადი და დანართი №1-ით გათვალისწინებულ საგანმანათლებლო პროგრამას 7 წლის ვადით მიენიჭოს აკრედიტაცია.

თავმჯდომარე

მდივანი

2. ცნობილ იქნას აკრედიტაციის ექსპერტთა ჯგუფის დასკვნა შპს - საქართველოს უნივერსიტეტის „პოლიტიკის მეცნიერებების“ სადოქტორო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი №2).

3. ცნობილ იქნას საბჭოს 2019 წლის 20 დეკემბრის №71 სხდომის ოქმის №03 ნაწილი ამ გადაწყვეტილების განუყოფელ ნაწილად (დანართი №3).

4. საბჭომ გაიზიარა შემდეგი რეკომენდაციები:

ა) სადოქტორო პროგრამის მთავარი სამომავლო ძალისხმევა უნდა მიემართოს ინტერნაციონალიზაციისკენ. ეს მოიცავს, უცხოელი მკვლევარების ჩართულობას ხელმძღვანელობის პროცესში, ასევე საერთაშორისო, რეცენზირებად ჟურნალებში მოთხოვნილ პუბლიკაციებს. ამ გამოცდილების გარეშე, სადოქტორო პროგრამის კურსდამთავრებულები არ იქნებიან კონკურენტუნარიანები საერთაშორისო დონეზე (მაგალითად, დოქტორანტურის შემდგომ საერთაშორისო გრანტებზე განაცხადის შეტანისას);

ბ) პროგრამამ უნდა განამტკიცოს პოტენციური ხელმძღვანელების კვლევითი უნარები, რაც იზომება საერთაშორისო რეცენზირებად ჟურნალებში პუბლიკაციებითა და კვლევითი გრანტების მოპოვებაში წარმატებულობით, რამაც შესაძლებელია უზრუნველყოს დოქტორანტის პოტენციური დასაქმება;

გ) პროგრამის განმახორციელებლები, ჩართული ხელმძღვანელები და ლექტორები დასაწყისიდანვე უნდა უზრუნველყოფდნენ სტუდენტებისთვის, თავისი კვლევითი პრაქტიკის განმავლობაში საერთაშორისო კონტექსტის გათვალისწინებით ადეკვატურ სწავლებას, განვითარებას და შეფასებას (კვლევის პრეზენტაცია საერთაშორისო კონფერენციებზე, პუბლიკაციები რეცენზირებად აკადემიურ ჟურნალებში, შეტანილი წვლილი უმაღლესი განათლების სახელმძღვანელოებში, (თანა) სწავლება უნივერსიტეტში და ა.შ.);

დ) უნივერსიტეტისა და პროგრამის მენეჯმენტი უნდა დაეხმაროს ლექტორებს და ხელმძღვანელებს, დოქტორანტების პროფილის შესაბამისად სწავლებისა და სწავლის უფრო მრავალფეროვანი მეთოდების შემოღებაში. ამ მიზნით, მათ შეუძლიათ დაეყრდნონ თანამედროვე სწავლების მეთოდების სპეციალისტებს, სტუდენტზე ორიენტირებული მიდგომებისთვის;

ე) დამყარდეს ახალი და განმტკიცდეს არსებული საერთაშორისო პარტნიორობები, ისე რომ ბოლო კურსის სტუდენტებმა შეძლონ გამოცდილების მიღება საერთაშორისო კვლევით გაცვლის პროცესში სადოქტორო დონეზე, რაც ასევე მოიცავს, ჩართულობას ადგილობრივ და საერთაშორისო სამეცნიერო კოლაბორაციებსა და /ან კვლევით პროექტებში;

ვ) უნივერსიტეტმა ხელმძღვანელებთან ერთად უნდა დააზუსტოს ხელმძღვანელობისთვის საჭირო კვალიფიკაციები და მათ მიერ შესრულებული სამუშაოს შეფასება;

ზ) პროგრამის მენეჯმენტი უნდა ისწრაფოდეს, საქართველოს უნივერსიტეტში სწავლებისა და კვლევის პროცესში, საერთაშორისო მკვლევარების მეტი ჩართულობისკენ. ამგვარად, დოქტორანტებისთვის ხელმისაწვდომი გახდება საერთაშორისო კვლევითი ლიტერატურა და გაცვლითი პროგრამები, რათა გამოცდილება დააგროვონ შესაბამის მიმართულებებში.

5. ანგარიშის წარმოდგენის ვადად განისაზღვროს 12 თვე - 2021 წლის 11 იანვრამდე.

6. საბჭოს აღნიშნული გადაწყვეტილება ძალაში შევიდეს მისი ცენტრის ვებ-გვერდზე (www.eqe.ge) გამოქვეყნების დღეს - 2020 წლის 08 იანვარი.

თავმჯდომარე

მდივანი

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24¹ მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააკადემიო საჩივრის სააკადემიო საბჭოში წარდგენის გზით შემდეგ მისამართზე: ქ. თბილისი, მ. ალექსიძის ქ. №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი, მე-12 კილომეტრი, №6, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

საბჭოს თავმჯდომარე

სხდომის მდივანი

ქეთევან ქოქრაშვილი

სალომე თოთიბაძე

ინფორმაცია საგანმანათლებლო პროგრამის შესახებ		
№		
1.	საგანმანათლებლო პროგრამის დასახელება ¹	პოლიტიკის მეცნიერებები
2.	ერთობლივი უმაღლესი საგანმანათლებლო პროგრამა	-
3.	სტატუსი ²	აკრედიტებული
4.	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	2014 წლის 24 დეკემბერი, №297
5.	ხელახალი აკრედიტაციის შემთხვევაში საგანმანათლებლო პროგრამის წინა დასახელება ³	პოლიტიკის მეცნიერებები
6.	უმაღლესი განათლების საფეხური ⁴	დოქტორანტურა
7.	კვალიფიკაციის დონე ⁵	მერვე
8.	კვალიფიკაციის დასახელება	პოლიტიკის მეცნიერებების დოქტორი
9.	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით ⁶	-
10.	დეტალური სფეროს დასახელება და კოდი (ISCED – F – 2013)	0312 პოლიტიკის მეცნიერებები და მოქალაქეობრიობის საფუძვლები
11.	კვალიფიკაციის კოდი ⁷	0312
12.	სწავლების ენა	ქართული
13.	ECTS კრედიტების ჯამური რაოდენობა	180
14.	განხორციელების ადგილი ⁸	საქართველო 0171, ქ. თბილისი, მ. კოსტავას №77, IV კორპუსი ,
15.	ამ გადაწყვეტილების ძალაში შესვლის თარიღი	2020 წლის 08 იანვარი
16.	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა ⁹	ანგარიშის წარმოსადგენად განსაზღვრული ვადა - 12 თვე - 2021 წლის 11 იანვრამდე
17.	აკრედიტაციის ვადის გასვლის თარიღი	2027 წლის 08 იანვარი

¹ დეტალური სწავლის სფეროს შესაბამისი

² ავტორიზებული ან/და ხელახალი აკრედიტაცია; ავტორიზებული ან/და ახალი აკრედიტაცია

³ საგანმანათლებლო პროგრამის დასახელების ცვლილების შემთხვევაში

⁴ ბაკალავრიატი; მაგისტრატურა; საბაკალავრო-სამაგისტრო; დოქტორანტურა

⁵ ეროვნული კვალიფიკაციების ჩარჩოს მიხედვით

⁶ მასწავლებლის მომზადების ინტეგრირებული საბაკალავრო-სამაგისტრო საგანმანათლებლო პროგრამის ან მასწავლებლის მომზადების საგანმანათლებლო პროგრამის შემთხვევაში

⁷ სწავლის სფეროების კლასიფიკატორის შესაბამისი დეტალური სფეროს ოთხნიშნა კოდი

⁸ ქვეყანა, ქალაქი/მუნიციპალიტეტი, საფოსტო ინდექსი, ქუჩა, ქუჩის ნომერი

⁹ საბჭოს მიერ რეკომენდაციების შესრულების თაობაზე ანგარიშის წარმოსადგენის შესახებ/მონიტორინგის განსახორციელებლად გადაწყვეტილების მიღების შემთხვევაში თავმჯდომარე

მდივანი

